



PEKELILING AKADEMIK BILANGAN 10 TAHUN 2016

PEMAKLUMAN URUSAN PENGAMBILAN DAN KEMASUKAN PELAJAR BAHARU PROGRAM PENGAJIAN IJAZAH SARJANA MUDA PADA SEMESTER II SESI AKADEMIK 2016/2017 UNIVERSITI TEKNIKAL MALAYSIA MELAKA

Pejabat Pendaftar
1 DISEMBER 2016

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan
YDP Majlis Perwakilan Pelajar

UNIVERSITI TEKNIKAL MALAYSIA MELAKA

UTeM.02.07/100-3/14 (12)

1 DISEMBER 2016

PEKELILING AKADEMIK BIL. 10/2016

PEMAKLUMAN URUSAN PENGAMBILAN DAN KEMASUKAN PELAJAR BAHARU PROGRAM PENGAJIAN IJAZAH SARJANA MUDA PADA SEMESTER II SESI AKADEMIK 2016/2017 UNIVERSITI TEKNIKAL MALAYSIA MELAKA

1.0 TUJUAN

Pekeliling Akademik ini bertujuan untuk memaklumkan kepada semua warga Universiti Teknikal Malaysia Melaka (UTeM) khususnya staf akademik dan pelajar mengenai urusan pengambilan dan kemasukan pelajar baharu program pengajian Ijazah Sarjana Muda pada Semester II Sesi Akademik 2016/2017.

2.0 LATAR BELAKANG

- 2.1 Sebagai makluman, UTeM hanya membuat pengambilan dan kemasukan pelajar baharu Ijazah Sarjana Muda sekali sahaja di dalam setahun iaitu pada bulan September (Semester I).
- 2.2 Mulai Sesi Akademik 2013/2014, struktur kurikulum program Diploma UTeM telah dipinda bagi membolehkan pelajar menamatkan pengajiannya dalam tempoh 2 tahun 9 bulan berbanding 3 tahun pada sesi-sesi sebelumnya. Pelajar memulakan pengajian menerusi Semester Khas Permulaan (SKP) pada Jun 2013 dengan mengambil 3 mata pelajaran Wajib Universiti berjumlah 6 kredit dan seterusnya menjalani 5 Semester lazim. Oleh itu, pelajar menamatkan pengajian lebih awal iaitu selepas peperiksaan akhir Semester I. Mengikut amalan sedia ada, kemasukan pelajar Diploma UTeM ke program Ijazah Sarjana Muda adalah bagi Semester I Sesi Akademik berikutnya (iaitu pada bulan September).

2.3 Pemakluman perkara ini adalah rentetan daripada Mesyuarat Senat Bil.12/2015 yang bersidang pada 23 Disember 2015 yang lalu dan telah bersetuju meluluskan penawaran dan kemasukan pelajar baharu Ijazah Sarjana Muda pada **Semester II**. Kemasukan pelajar baharu pada Semester II dibuka kepada pelajar-pelajar lepasan Diploma Universiti Teknikal Malaysia Melaka (UTeM) **sahaja** dan tertakluk pemohon memenuhi ketetapan berikut:-

2.3.1 memenuhi Syarat Am Universiti dan Syarat Khas Program yang ditetapkan oleh Senat bagi kategori pemohon lepasan Diploma/setaraf. Bagi tujuan syarat kemasukan, sila rujuk melalui laman sesawang UTeM (www.utem.edu.my);

2.3.2 pemohon telah menamatkan pengajian di peringkat Diploma UTeM pada Semester I Sesi Akademik 2016/2017 dengan mendapat Kedudukan Baik Anugerah (KBA) sebelum mendaftar kursus dan memulakan pengajian di peringkat Ijazah Sarjana Muda; dan

2.3.3 pemohon yang diluluskan pengecualian kredit dan Kemasukan Terus ("*Direct Entry*") akan ditawarkan ke Tahun 2 Semester 1 pada peringkat Ijazah Sarjana Muda. Manakala, pemohon yang tidak diluluskan pengecualian kredit dan Kemasukan Terus, mereka akan ditawarkan kemasukan bagi Semester I Sesi Akademik 2017/2018 (bulan September 2017).

2.4 Tawaran tempat pengajian bagi Semester II Sesi Akademik 2016/2017 dan Semester I Sesi Akademik 2017/2018 ditawarkan oleh Fakulti-fakulti berikut:-

- a. Fakulti Kejuruteraan Elektrik
- b. Fakulti Kejuruteraan Elektronik dan Kejuruteraan Komputer
- c. Fakulti Kejuruteraan Mekanikal
- d. Fakulti Kejuruteraan Pembuatan
- e. Fakulti Teknologi Maklumat dan Komunikasi

Manakala, Fakulti Pengurusan Teknologi dan Teknousahawanan (FPTT) dan Fakulti Teknologi Kejuruteraan (FTK) hanya menawarkan tempat bagi kemasukan Semester I Sesi Akademik 2017/2018 (bulan September 2017) sahaja.

3.0 PELAKSANAAN

- 3.1 Bagi memudahkan proses kemasukan, sistem permohonan secara atas talian akan dibuka **mulai 12 Disember 2016 (Isnin), jam 12.00 tengahari hingga 21 Disember 2016 (Rabu), jam 12.00 tengahari menerusi laman web UTeM.**
- 3.2 Semua pelajar tahun akhir program Diploma yang dijangka tamat pengajian pada Semester I Sesi Akademik 2016/2017 boleh mengemukakan permohonan. Walau bagaimanapun hanya pemohon yang diberi pengecualian kredit dan Kemasukan Terus ke Tahun 2 Semester 1 di atas budi bicara Fakulti sahaja yang akan ditawarkan bagi kemasukan pada Semester II Sesi Akademik 2016/2017 manakala yang tidak diluluskan Kemasukan Terus, mereka akan ditawarkan kemasukan bagi Semester I Sesi Akademik 2017/2018 (bulan September 2017).
- 3.3 Hanya pemohon yang memenuhi syarat-syarat yang ditetapkan di para 2.3 akan dipertimbangkan. Mana-mana pemohon yang berjaya untuk kemasukan Semester II Sesi Akademik 2016/2017 dan Semester I Sesi Akademik 2017/2018, **boleh menyemak keputusan permohonan secara atas talian menerusi laman web UTeM pada hari Jumaat, 3 Februari 2017, jam 12.00 tengahari.**

- 3.4 Tarikh pendaftaran kursus pelajar baharu program Ijazah Sarjana Muda bagi Semester II Sesi Akademik 2016/2017 adalah pada hari Jumaat, 10 Februari 2017 bertempat di Bahagian Pengurusan Akademik (BPA), Pejabat Pendaftar. Sebelum mendaftar kursus, pelajar hendaklah menguruskan borang-borang pendaftaran pelajar baharu, yuran pendaftaran dan lain-lain mengikut arahan seperti yang tercatat di dalam surat tawaran dan buku panduan kemasukan.
- 3.5 Minggu Haluan Siswa (MHS) bagi pelajar baharu kemasukan Semester II Sesi Akademik 2016/2017 akan diadakan serentak bersama-sama pelajar baharu Diploma dan Ijazah Sarjana Muda Sesi Akademik 2017/2018 dan ianya wajib dihadiri. Oleh yang demikian, yuran MHS akan dicaj pada Semester I Sesi Akademik 2017/2018 serta perlu dibayar pada Semester tersebut.

4.0 TARIKH KUAT KUASA

Pekeliling Akademik ini berkuat kuasa mulai tarikh ia dikeluarkan.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN
Pendaftar